

Sápmelaččat girkus -fidnu oačču ruhtadeami girkolaščoahkkimis

Suoma evangelalaš-luteralaš girku girkolaščoahkkim lea dohkkehan plána, mas girku ja sápmelaččaid gaskasaš duohtavuohta- ja soabadanprosessii laktáseaddji fidnui várrejuvvo 90 000 euro mearreruhta jagiide 2023 ja 2024, oktiibuot 180 000 euro. Fidnu namman leat plánen Sämmiliih kirhoost, Sá'mmla ceerkvest, Sápmelaččat girkus, Saamelaiset kirkossa.

Girkolaščoahkkima mearreruhta dahká vejolažžan fidnu, mii lea iehčanas ja sierranas stáhta ja sápmelaččaid gaskasaš duohtavuohta- ja soabadankommišuvnnas, mii ásahuvvui 28.10.2021. Girku fidnu joatká lunddolaš oassin dan barggu, man Suoma evangelalaš-luteralaš girku lea bargan jagiid mielde sápmelaččaid sihke sámegeielaid ja sápmelaš kultuvrra sajádaga nanosmahttima ovdii.

Mearreruđa mielde sámebáhppa Mari Valjakka joatká barggu fidnus jagiid 2023-2024 áiggi proševttas vástideaddji bargin. Lassin fidnu doarjjan doaibmá sierranas stivrenjoavku.

Maiddá Oulu bismágotti bismá Jukka Keskitalo doarju fidnu ja joatká ná duohtavuođa ja soabadeami buorin bargojuvvon barggu, man su ovdamanni bismá Samuel Salmi álggahii átnumiin sápmelaččain ándagassii girku bargan boasttuvuođaid Anáris jagi 2012. Sártnistis bismá Salmi čujuhii dalle girku rollii nálleoahpalaš dutkamušain.

Proseassas deattuhuvvo sielu divššu barganvuohki sihke geahččanguovlu, mii gohčoduvvo fidnus “jeageldási” geahččanguovlun. Dáinna válldahallo dat, ahte fidnus háliidit gávnnadit sápmelaččaid ovttaskas olmmožin ja searvvušin sápmelaččaid ruovttuguovllus ja gávpogiin sihke fállat dorvvolaš vuodu gieđahallat girku, oskui ja oskkoldahkii laktáseaddji rašes fáttáidge. Proseassa háliida lassin fállat vejolašvuoda juohkit ovtta maiddá buot dan buori, maid olbmot leat vásihan searvegotti doaimmaid bokte.

Fidnu ollašuhatto bismmaidčoahkkima kansliija ja Oulu bismágotti ovtta bargun. Dál dohkkehuvvon mearreruhta várrejuvvoi bismmaidčoahkkima kansliija bušehttaárvalussii.

Bismmaidčoahkkima váldočálli Kari Kopperi mielde fidnu álggaha ođđa muttu sápmelaččaid ja girku gaskavuodas. Mihttomearrin lea rabas ja fáttmasteaddji proseassa, man álggahettiin eai vel dieđe, makkár bohtosiid fidnejit.

Lassediedut:

Bismmaidčoahkkima kansliija váldočálli Kari Kopperi, kari.kopperi@evl.fi, p. 050 5941317

Sápmelaččat girkus -fidnu prošektaplánejeaddji Mari Valjakka, mari.valjakka@evl.fi, p. 040 1833460